

秘傳花鏡

863
6
194



国立国会図書館 タイトル『秘傳花鏡6巻』 請求記号 863-194

ガラス使用


文政二十二年壬申補刻

西湖陳 杖搖彙輯
日本平賀先生校正

秘傳花鏡

皇都書林

文泉堂
花說堂
合梓
五車樓



序

嘗閱 樵李仲遵氏花史所稱

花師花醫花妾花姑花翁之

類甚夥皆善種藝術得名而

又雜列花之名物辨證積有

卷帙因思士大夫邸第之外

花鏡序

松直亮氏寄贈本

花鏡序
營別墅植卉木爲休沐宴間
之地者此書故不可少市廛
肉食之家更不可無若王芳
慶園亭花木記劉杏離騷草
木疏猶憾其未詳盡且未及
禽魚爲欠事群芳譜詩文極

富而畧種植之方今陳子所
纂花鏡一書先花木而次及
飛走一切藝植馴飼之法具
載是編其亦昔人禽經花譜
之遺意歟吾知其事雖細必
可傳也李贊皇平泉記有云

花鏡 月
二
鬻吾平泉業者非吾子孫也
以一石一樹與人者非佳子
弟也贊皇有慨於園囿之興
廢雖一木一石猶珍重愛護之
若此舊傳其奇花異卉老松
惟石靡不畢致其經營於園

林之課必已久矣而自昔池
館之盛匪直平泉也當貞觀
開元間公卿貴戚開名園於
洛陽號千有餘邸他如富人
之亭榭隱者之幽居未易更
僕可知竊意其位置木石禽



魚必有方而其經營亦甚勞也今得是書而神明其法身其境者林麓脩然魚鳥親人會心政復不遠一時瘠者腴病者安實者蚤且多其碩茂其蕃息必十倍於昔時矣不

事意匠經營而坐享其成是書真苑囿之明鑑哉抑聞之柳柳州嘗爲郭橐駝作傳矣謂閭養樹得養人術傳之以爲戒夫橐駝數語耳而柳子謂可移之官理脫或見是書



其旁通觸悟更不知何如ト云フ若キ
 其種種馴飼之方雖謂與陶下
 朱養魚浮丘相鶴諸經並傳上
 可也纂斯集者為吾友陳扶
 搖自稱花隱老人者也
 時

康熙戊辰立春後三日葯園
 丁澎題於扶荔堂東軒



葉書囊枕有秋函所載荅經
藥譜也予笑余花癖兼號書
癡噫嘻讀書乃孺家正務何
得云癡坐於鋤園藝圃調霍
裁荅卵已息心娛老可淵明

有云園賢非吾願帝鄉不可
期余棲息一廬快讀之暇即
以課花為事而飲食坐卧日
在錦茵香谷中時而梅呈久
艷柳破金芽海棠紅媚蘭瑞

芳誇梨梢月浸
栴浪風斜樹
頭峰抱蒼鬚
香徑蝶迷林
下
一庭新色
遍地繁華
削讀倦
縱觀
是北三
春樂事
乎未幾
榴火熾
天葵心
頽日
荷蓋
搖

紫燕
志
意
放

風楊
夸舞
雪喬木
鬱葱
群葩
斂
竇
篁
清
三
徑
之
涼
槐
蔭
兩
增
之
契
紫
蕤
點
波
錦
鱗
躍
浪
鼎
高
卧
土
牌
聽
蛙
鼓
于
艸
間
散
步
朗
吟
靄
薰
風
于
津
畔
誠



避炎之梟土也。至於白帝祖
秋。金風播爽。露中桂笑。月下
梧桐。籬邊叢菊。沼上芙蓉。霞
月。楓柏雪泛。荻蘆晚粲。尚留
凍螿。短砌猶噪。寒蟬。鷓鴣暝衰。

草雁辰書。空同心雅。集蒲園
香池詩脾。餐秀啣杯。隨杜足
微聯咏。乃清穠佳境也。迄乎
含冥司。令于麻芳。搖落之昔
而我圃不謝之花。尚有松杞


出子箋文并

草庵

六

累玉蠟燭舒香茶苞含五色
 之葩月季逞卯時之麗鼎曝
 焚看春猶藉簷前碧艸登樓
 遠眺且喜窗外松筠怡情適
 志臯此忘疲要知焚香煮茗

摹榻澆茗不過文園餽課之
 逸事繁劇無聊之良劑百癡
 卯癖卯余惟終老於斯矣堪
 笑世心鹿鹿非混跡市廛即
 縈情圭組昧藝植之理雖對



書

三

名_一蒼_二徒_三供_四一_五朝_六賞_七玩_八轉_九眼_{一〇}即
 成_一槁_二木_三耳_四客_五白_六唯_七既_八非_九蒼
 癖_一何_二不_三發_四翁_五枕_六秘_七授_八我_九琴_{一〇}鏡
 一_一書_二曰_三公_四海_五內_六碑_七心_八盡_九得
 種_一植_二之_三方_四咸_五誦_六翁_七為_八花_九仙_{一〇}可

乎時

康_一熙_二戊_三辰_四桂_五月_六西_七湖_八琴_九隱_{一〇}翁
 陳_一湜_二子_三漫_四題



花鏡叙

簪淵明嗜菊逸氣如雲茂叔品
 蓮清芬若漪梅花繞砌和靖高
 暝竹翠盈塔子猷獨逞景茲芳
 韻適足賞心緬彼高風不無遐
 契自蛛封燕巧一室潛虛迨鶴

花鏡叙
 簪淵明嗜菊逸氣如雲茂叔品
 蓮清芬若漪梅花繞砌和靖高
 暝竹翠盈塔子猷獨逞景茲芳
 韻適足賞心緬彼高風不無遐
 契自蛛封燕巧一室潛虛迨鶴

長



去、猿驚伊人斯遠、或浮沉金馬、
林園之夢未生、或驅策山川丘、
壑之情、因熱任藥、欄爛熳曾、
東皇咲人歎花幡寂寥、一聽封、
姨嗣令幸靚名、未解品題之、
雅縱當奇樹安、知位置之宜、遂

至俗不堪醫索、肱減興不僅情、
難入勝黠矣、消神也、乃有歸來、
高士退老東籬、知止名流養安、
北牖總其著作、大而經濟微而、
理學久已懸之國門、遡厥淵源、
遠則皇古、近則來茲、靡不摻其、

閼奧才稱繡虎屈宋比肩筆擅
雕龍潘陸接武是以太玄經就
履滿楊子之亭長門賦成金艷
文園之席羣推祭酒博雅登壇
競號宗工典型在望固應翔步
金華上脩清問庶或燃藜天祿

編校遺文辨魯魚於汲史定帝
虎於竹書式展鴻才僉曰允矣
用昭碩學誰云不然柰何數竒
不遇空傳伏叟之經窮乃益工
博極虞卿之論遨遊白下著書
滿家終隱西冷寄懷十畝淹貫



之餘願學老圃咏歌之暇竊附
陶朱因花木而分課依稀紫媚
紅嬌借禽魚以娛情彷彿鱗遊
羽化更念栽植之法古人有書
而未備豢畜之術時流從事而
弗嘉爰脩小史多識草木之名

兼及餘刊盡述靈蠢之屬雖類
末技不減琅函藉謂若片幾同
綉谷如斯清玩樂我素心若披
幽標供客雅况將見是編一出
習家之池館益竒金谷之亭園
備美百卉爭暄別饒花藥繁葩

競露倍結英華勁挺冰雪之姿
芬芳馥郁之質芬霽森秀之光
參差掩映之色從風披拂弄影
飛揚奚止張公之大谷梁侯之
烏桺周文之弱枝房陵之朱仲
珍貴一時誇耀奕禩而已哉他

若丹穴之精錦鋪碧浪珠樊之
翠聲度綠牕南華園之蝴蝶八
夢半閒堂之蟋蟀吟龜罔不各
遂其性各適其天又若魚躍鳶
飛皆八光風化日矣我知花神
結袂競獻奇英仙鳥連翩爭相

儀舞仲長統之樂志不過如茲
張仲蔚之孤蹤于焉尚已以消
永日以享高年展讀斯篇恍然
得之云昔
康熙戊辰花朝同學眷小姪張

恭

國泰頓首拜題



秘傳花鏡總目

卷之一

花曆新裁

卷之二

課花十八法

卷之三

花木類考

卷之四

藤蔓類考

花鏡

卷一月次



卷之五

花草類考

卷之六

附禽獸鱗蟲考

秘傳花鏡卷之一目次

花曆新裁

十二月占驗

天文

節氣

十二月事宜

分栽

移植

扦插



接換

壓條

下種

收種

澆灌

培壅

整頓

秘傳花鏡卷之一

西湖花隱陳湜子訂輯

花曆新裁

正月占驗 九焦在辰 天火在子 地火在戌

荒蕪在巳 以上四日所當忌者每月須當查看

立春日晴明少雲歲熟陰則蟲傷禾 風從乾來屬西

北主暴霜殺物坎來西主大寒震來東有暴雷巽

來東多蟲災離來南旱傷萬物坤來冲方南為逆

氣主寒六月有大水無風人安物倍 赤雲在東

書中... 者凡... 今廣... 朱書... 芳譜

西當 作北

花鏡

卷一 正月




方主春旱黑雲春多雨水赤雲在南方主夏旱
虹見正東春多雨夏有火災秋多水下雨主水
雪先春一日年豐

戊當
作戊

元旦日值丙主四月旱值戊主春旱四十五日值己
癸多風雨值辛主旱歲朝東北風主年豐西北
風大水四方有黃雲主熟青主蝗赤主旱東井有
雲歲澇雨主春旱虹見多旱霞主蝗蟲果
蔬盛天有青氣主蝗赤氣旱黑氣水霜主七
月旱有電人多疾雷鳴主七月有霜霧主

大水桑賤大雪年豐主秋水二日值甲為上歲
三日得卯主大水得辰晴雨勻清明主上下安
月暈所宿地小熟風從東南來旱西北水四日
值甲為中歲五日值甲為下歲得卯主大水得辰
稔晴明人安雨田地有收蠶不收霧大傷
穀六日得辰大稔晴明主大熟七日得卯春澇
得辰水得酉中歲晴明主人安風雨多草木
災八日得卯春澇主全收得辰先旱後水晴暖
宜穀高田熟雲掩月春雨多是日不見參星



月半看見紅燈 蜀俗以是日蹋青 九日得辰

主仲夏水災 十日得辰主水 月暈主大旱

十二日得辰主冬大雪得酉大熱 月暈主飛蟲

多死大冷

上元日晴主三春少雨百果熟 風吹上元燈主寒

食雨 有霧主水 雨打上元燈主秋無收 一

法夜豎一丈竿候月午影六七尺稔若八九尺主

水三五尺必旱

雨水日陰多主水少高下竝吉十六夜晴主旱 風

起西北最良 雨主歲全收十七為秋收日晴主

秋成百花蕃茂晦日有風雨歲惡

凡月內有三亥主大水 日暈丙丁主旱戊巳水

庚辛兵壬癸江河決溢 上旬月一暈主樹木生

蟲一暈禾穀蟲三暈主雷震物暈多至六七路多


死人廿三廿四日暈五穀不成廿五日暈泉貴

春雪多應在一百二十日有大水

正月事宜

辰御勾芒木道升於初震歲推更始履端造於

戊當
作戊



獻春繫七十二候之初二十四番之首是月也
魚負冰 候雁北 甌蘭芳 瑞香烈 櫻桃
將葩 楊柳欲美 望春先放 百卉發萌萬
花時育正園主人所當着意之秋也因輯事宜
十條於後以便園丁從事豈曰小補之哉

分栽

木蘭 金雀兒

移植

松 山茶 楊柳 瑞香 迎春 木蘭

牡丹 蜀葵 桃 梅 李 木香

杏 棣棠 紅花

扦插

長春 薔薇 錦帶 梔子 蒲萄 棣棠花


紫薇 白薇 木香 迎春 石榴 佛見笑

金沙 櫻桃 銀杏 楊柳 素馨 西河柳

玫瑰 菊 珍珠珮

接換 諸般花果皆可接換

臘梅 瑞香 海棠 梨 繡毬 林檎



植當
作模

柿 木瓜壅狗糞 桃 檀 檫 梅 薔薇

杏 李 半杖紅以上並宜雨水後 寶相 月季

茶藤 木樨以上宜中旬 胡桃 橙 橘

桑以上宜下旬

壓條 凡可扦插者皆可壓條

杜鵑 山茶 木樨 桑

下種 諸般花子皆可下

松子 杏子 胡桃 榛子 枳殼 山藥

薏苡 橙 橘次年分栽 萵苣 枸橘

收種 無

澆灌 凡草木花果皆可澆肥

牡丹 芍藥 瑞香 林檎 杏 茉莉畧潤

梅 桃 李 梨 葵

培壅

石榴 梨 海棠 棗 林檎 櫻桃

柿 栗


整頓

稼樹元旦 修剪諸樹枝條 紉花架 蓋葺墻

花鏡

卷一 正月

五



垣 修池塘岸 整理器具 燒荒草 凡屬種
植地澆糞 耕鋤地熟候用

二月占驗 九焦在丑 天火在卯 地火在酉

荒蕪在酉

春分日天晴燠熱萬物不成 月無光有災 風從

乾來多寒 艮來東主水暴出 巽來草木生 蟲主四

月暴寒 離來主五月先水後旱 坤來多水 兌來北

為逆氣主春寒 有青雲年豐有霜主旱


朔日值春分主歲歉 值驚蟄主蝗災 有風雨主人

災歲歉 二日見冰主旱閩俗以是日為踏青節 八日東南風

主水西北風主旱 夜雨桑柘貴 十二為花朝天

朔初吉 天正節 中和節 唐 桃花節 秦中 踏草節 唐

花鏡 卷一 二月



十其九節
撲蝶會
誠各詩話

晴百果實最忌夜雨若得是夜晴一年晴雨調勻

十三為收花日亦須晴明

四月聖壽節後漢高祖
十二百花朝王文王肩

花朝一云十五又為勸農之日晴明主百花有成

風雨主歲歉月無光有災異

凡月內值月蝕粟賤人饑虹多見於東主秋米

貴見於西主絲貴人災有霜主旱

社日立春後五戌為社社在春分前主年豐在春分後年惡

社日晴明草木蕃茂六畜大旺畧有微雨不妨

二月事宜

花明麗日光浮竇氏之機鳥弄芳園韻叶王喬
之管飄香墮竿擔風吞宿蝶之花徙影流衣握
月臥聽鸚之酒是月也玄鳥至倉庚鳴桃
始天李方白玉蘭解紫荆繁梨花溶
杏花飾其靨正花之候也


分栽

- 紫荆 凌霄 山礬 萱艸 迎春 笑壓兒
- 玫瑰 杜鵑 石榴 芭蕉 甘菊 映山紅
- 百合 木瓜 榆 木筆 茴香 珍珠珮

靨

花鏡

卷一二月



木槿 栗 玉簪 山丹 菊秧 金雀兒

石竹 菖蒲 蜀葵 虎刺 芙蓉 十姊妹

歐蘭 壽李 錦帶 柳 竹秧 甘露子

移植餘同正月

銀杏 桃 海棠 杏 蒲萄 雪梅堆

芙蓉 玉簪 李 蜀葵 棗 山茶花

梧桐 栗 萱草 槐 蔓菁 草麻子

茶蘼 茱萸 桑 漆 椒

扦插

梔子 瑞香 蒲萄 梨 石榴 西河柳

木槿 芙蓉春分日 打妙

接換皆宜春分前後凡可接者亦可過貼

香櫞 橘 香橙 金柑 柚 紫丁香

沙柑 銀杏 桃 梅 楊梅宜春分日

石榴 李 枇杷 海棠 胡桃 紫荊花

大笑 榲桲 棗 柿春分前 栗 木樨宜春分後

桑秧 梨 山茶

壓條

花鏡

卷一 二月



松 榛 栗 茶 枳 枸杞

榆 槐 椒 楮 桑 蒲萄

梧桐

下種

金錢 鳳仙 黃葵 茶子 山藥 曼陀子

松子 榛子 枳子 楮子 桐子 草决明

槐子 榆莢 茴香 椒核 雞冠 十樣錦

藕秧 花紅 胡麻 銀杏 紫蘂 老少年

麗春 紅花 桑椹 芝麻 皂莢 雁來黃

未詳 是皆馬蹄 决明不得 為青柏者

金雀花 剪春羅 剪秋紗 棉花 千日紅

秋海棠

收種 無

澆灌 凡可培壅者皆可澆灌

牡丹 芍藥 瑞香 柑 橘 林檎

橙 柚

培壅

木樨 蒲萄 橘 橙 櫻桃

椒 皆宜糞灰及 荷花 宜菜餅或 細土和覆根 麻餅屑壅



整頓

整蒲萄架扶條幹 修溝渠 築墻垣 去樹裏草
 遇社日以杵春百果樹下結實不落凡諸草木茂
 而不實者以祭餘酒酒之即生社日若芸草捉蟲
 則不生

三月占驗 九焦在戌 天火在午 地火在申

荒蕪在丑 季春梁元帝暮春晚一末一並今病月禮蚕月詩春晚花時竹秋譜
 青章九月卦姑洗律

清明日喜晴雨則百果損 西南風發損桑 雷鳴

主麥虛朔日值清明草木茂 值穀雨年豐 風

雨草木多蟲傷 雷鳴主旱三日晴主桑葉貴

雨宜蠶主水旱不時 有雷電小麥貴 見霜大

冷四日雨主澇六日雨大壞墻屋七日南風主歲

歉 雨主決損堤防十一麥生日宜晴

穀雨前一日有霜主歲旱十六是日為黃姑浸種日

寒食 炊熟日歲 禁烟節

雷客 兩類



不宜起風。若有西南風，主大旱。晦日有雨，麥不熟。凡月內有三卯，宜豆。無則麥不收。值日蝕，絲米貴。風不衰，主九月霜不降。雲甚厚，主暴雨。將至，暴雨至，名桃花水。主梅雨必多，須料理。畏濕花木。電多，歲稔。雪經三日不消，主九月霜不降。歲荒。

三月事宜

景逼三春，氣臨節變。金谷芳塘，無非繡譜。草茵花綺，盡成香國。繁紅開紫，相映踏青之履。燕蹴

鶯翻，亂點玉人之額。是月也，鳴鳩拂其羽。戴

勝降於桑。薔薇蔓，棣萼韡。木筆書空。

海棠朝暉，柳絮化萍。雪毳解落，花之盛也。

分栽

銀杏 蒲萄 櫻桃 石榴 剪金 南天竺

望仙 梔子 玫瑰 罌粟 栗 孩兒菊

松 枸杞 芙蓉 芭蕉 石竹 剪秋紗

山丹 百合 玉簪 杏 决明 紅鉢盂

菊清明後 箬蘭 棗 藕秧 碧蘆

孟當
作孟

移植 凡可分栽者皆可移植

石榴 木樨 冬青 薔薇 木槿 夾竹桃

枇杷 槐 菖蒲 檜 梧桐 醒頭香

芍藥 茱萸 橘 梔子 橙 秋海棠

梨 椒 木香 柑 芙蓉 茶宜向陽之地

楊梅 木瓜 芡 紫蘇 菱花

扦插

蒲萄 瑞香 薔薇 櫻桃 月季

接換

梅杏接佳 桃不久 杏梅接 桃接 梅接 李桃接 玉蘭接

栗桐接 橘 橙 香櫞 柑俱柚 楊梅 枇杷

棗 繡毬 冬青桂接

壓條

石榴 梔子 梧桐 茶條 木綿 夾竹桃

下種

梧桐 梔子 鳳仙 雞冠 紫草 十樣錦

木綿 紅蓼 山茶 皂角 紅花 小茴香

收種



櫻桃 榆莢 金雀花

澆灌

凡木并蔬草之未發萌者皆可澆肥如已發萌則不可著肥若土燥只宜清水

培壅 附過貼三種其法詳十八法內

石榴 玉蘭 夾竹桃 俱宜過貼 萵苣 苧麻 俱宜壅肥土

整頓

建蘭 出窖後 菖蒲 日添水 橘 橙 俱去 水竹 茉莉

虎刺 天棘 開山 俱方出 收蠶沙 開溝渠

四月占驗 九焦在未 天火在西 地火在辛

荒蕪在申

首夏梁元正年 全初 陰月 農節 全農月 朱明 雅余月 全清和乾月 支秋 正陽月 結正月 左陽月 元陰月 全躋躋之月 繁要

南園史 作

立夏日天晴主旱 日暈主水 有雨吉 有風吉

熱風從乾來主霜坎來多雨地動魚蝦廣長來山

崩地動離來夏旱坤來人不安草木傷兌來有蝗

南方有雲年豐 虹出正南貫離位主旱有火災

有露主桑貴

朔日值立夏主地動人不安值小滿草木災 晴明

歲豐晴太燠主旱 風日生暈主水 風主熱有重

正陽日

花鏡

卷一 四月

十三



種兩禾之患。大風雨主大水。四日稻生日宜晴。

八日夜雨果實少。十三有雨麥不收。十四晴主歲

稔。東南風吉。

小滿有雨主歲大熟。十六宜雨。如日月對照主秋旱。

月上早色紅主大旱。遲而白主水。二十俗名爲

小分龍日。晴則分嬾龍主旱。雨則分健龍主水。

云二十八日方是。東南風發謂之鳥兒風。信主

熟。

凡月內有三卯宜麻。日暈逢壬癸主江河決溢。

大寒主旱。諺云黃梅寒井底乾。

四月事宜

炎氛扇夏草欲迎涼。丙日烘天蓮思脫火篋新。

籜解櫻薦盤登綠暗紅。稀群芳歛艷是月也。螻

蝨鳴。蚯蚓出。牡丹王。芍藥相於堦。罌


粟秋。木香升於上。杜鵑啼血。荼蘼香夢。

花事闌也。

分栽

- 松
- 柏
- 菊
- 冬椒
- 菖蒲
- 瑞香
- 梅

此爲江東歌女便



浸水 秋芍藥 麥門冬

移植

梔子帶雨 秋海棠帶子 菖蒲 櫻桃 枇杷 翠雲草

荷秧宜立夏前一二日 須扶葉出水立

扦插

石榴 芙蓉 茶蘼 梔子 木香 櫻桃須雨

錦葵 茉莉宜芒種前後

接換無宜

壓條

木樨 紫笑 繡毬 梔子可托 薔薇 玉蝴蝶

下種

枇杷 杏子 槐莢 椒核 雞冠 紅豆

芝麻 栗子 柿核 菱俱宜上旬

收種

罌粟子 紅花子 桑椹 芫荽子 諸菜子

澆灌

櫻桃摘實後 宜澆肥 諸色草花皆宜澆肥水

培壅無

花鏡

卷一 四月

七



整頓

茉莉如本長大梨若葉素馨出剪菖蒲宜初八日

可斫竹不埋蠶沙

[Faint bleed-through text from the reverse side of the page]

五月占驗 九焦在卯 天火在子 地火在酉

荒蕪在巳

芒種天晴主歲稔 宜雨即黃梅雨半月內不宜有雷

朔日值芒種六畜災值夏至冬米貴 晴明主年豐

雨主歉 初旬內大風不雨主大旱 吳楚以芒


種後逢丙日進徽小暑逢未日出徽閩人又以壬

日進徽辰日出徽 徽雨中冬青花開主旱俗云冬青

花不落濕地 故主旱也 二日雨井泉枯 三日雨主水

端午大晴主水 月無光主旱有火災 雨主絲綿

大當作天



貴來年熟。霧主大水。雹主禽獸死。艸木傷。

十一得辰主五穀不收。

夏至在端午前主雨水調在末旬大歉。日暈主大

水是夜天河中星密有雨。星疎雨多。風從乾來

大寒坎來寒暑不時山水暴發良來泉湧山崩。巽

來主九月風落艸木坤來主六月有橫流水兌來

秋有寒霜。夏至雨謂之淋時雨主久雨。後半

月名三時首三日為頭時次五日為中時後七日

為末時。風發在中時前二日大凶。有雷主久雨。

十日後雷名送時雷主久旱。有雲三伏必熱。

是日巳時東南有青氣年豐無則應在十月有災。

二十為大分龍日占同小分龍次日有雨年豐。

三十不雨主人多疾。


凡月內逢月蝕主旱。砲車雲起主暴風拔木上

辰上巳雨主蝗災。夏至後四十六日內虹出西

南貫坤位主水及蝗災魚少。雷不鳴主五穀減

平。

五月事宜



芙蓉泛水。艷如越女之頤。蘋藻飄風。影亂秦臺。
 之鏡。榴火烘天。葵心傾日。能不畏炎。而獨麗者。
 猶賴有此耳。是月也。鹿角解。鴈始鳴。錦葵
 鮮。山丹頰。簷葡萄有香。夜合始交。萱北
 鄉花之杰也。

分栽

茉莉、素馨、紫蘭、菖蒲、竹十三為、香藤

移植

櫻桃、枇杷、棠棣、橙、香櫟、剪春羅

石榴、瑞香、花紅、金橘、山丹、西河柳

扦插

木香、茶蘼、棣棠、石榴、橘、簷葡萄

長春、薔薇、錦帶、寶相、月季、珍珠珮

西河柳

接換無

壓條

槐、杏、桃、李、梅、桑

下種



梅核、桃核、杏核、李核、槐子、芝麻

紅花、桑椹

收種

罌粟、木綿、杏、梅、桃、水仙根

林檎、槐、藍澱、百草頭俱宜端午日收

澆灌凡樹木久旱止宜清水澆惟草花宜澆輕肥

櫻桃輕肥、茉莉肥、桑、柑橘黃梅內畧用糞清

培壅不宜

整頓澆香、芬瑛、金酥、山狀、西河麻

水竹、開山宜楊護、嫁棗五日午時、脩桑、除草

糝檜栢屏風、端午五鼓以斧斫諸果木數下結

實多

五月

五月

五月



六月占驗
 九焦在子
 天火在卯
 地火在巳
 荒蕪在辰
 小暑日東南風兼有白雲成塊主有船艫風半月發
 必大旱
 朔日值夏至大荒值小暑大水值大暑人病
 得甲
 饑西南風主蟲傷百卉
 雨主熟三日晴主旱
 草枯霧大熱六日晴主有收
 雨主秋水晦日
 值立秋旱稻遲南風主蟲災
 不雨人多疾
 凡月內逢日月蝕主旱
 三伏內有西北風主冬

塊

六月占驗

九焦在子

天火在卯

地火在巳

荒蕪在辰

小暑日東南風兼有白雲成塊主有船艫風半月發

必大旱

朔日值夏至大荒值小暑大水值大暑人病得甲

饑西南風主蟲傷百卉雨主熟三日晴主旱

草枯霧大熱六日晴主有收雨主秋水晦日

值立秋旱稻遲南風主蟲災不雨人多疾

凡月內逢日月蝕主旱三伏內有西北風主冬

花鏡

卷一 六月



月有冰堅。天氣涼則五穀不結。虹屢見主米

麻貴。電夜見南方主久晴。見北方主即雨七

月亦然。大雉六日即主昏外。雨主然木即日

六月事宜。南風主壽。百代。雨主。三。日。即。主。旱。

日。螢。飛。腐。草。光。浮。帳。裏。之。書。蟬。噪。涼。柯。影。入。機。中。

之。鬢。葉。老。花。殘。蜂。愁。蝶。怨。是。月。也。鷹。始。摯。蟋

蟀。鳴。南。桐。花。馥。菡。萏。為。蓮。茉莉。來。賓。月。凌

霄。發。鳳。仙。降。於。庭。雞。冠。環。戶。花。皆。息。也。

分栽。不宜。天。火。宜。取。此。火。宜。了。

移植

茉莉 素馨 蜀葵 林檎

扦插 不宜

接換

櫻桃 梨 桃 並宜下旬

壓條 不宜

下種

梅核 杏核 桃核 李核 蔓菁 葵

水仙 取根葡萄和土日晒半月後任意區種畦種或盆種俱用肥土覆蓋酒糟和水澆花必盛

花鏡

卷一 六月

二十一



收種

洛陽

桃

林檎

花椒

剪春羅

澆灌

凡草類可澆輕肥水

牡丹

芍藥

林檎

桃

柑

橘

宜清

茉莉

肥水

宜輕

堦前草

培壅

橘

橙

香櫞

麥冬

整頓

鋤一切花木地

竹地更要緊

紉花屏

是月伐竹不蛀

七月占驗

九焦在酉

天火在午

地火在辰

荒蕪在亥

立秋日晴

主萬卉少成實

風涼吉

熟主來年災

旱

秋天雲興若無風則無雨

風從乾來暴寒

多雨

坎來冬多雨雪震來秋多暴雨草木再榮

異

來凶離來早坤來有收成兌來秋多濃霜

西方

有雲

微雨吉西南黃雲如群羊坤氣至也主五穀

果蔬

有成黑雲相雜宜桑麻如無此氣主歲多霜

赤雲

主來年旱西南有赤雲宜粟

秋後四十六

花鏡

卷一 七月

二十一



日內虹出正西貫兌位主旱雷損晚禾

朔日值立秋處暑人多疾月蝕主旱虹見主田

不收有霜損晚禾三日有霧主年豐草木榮盛

七夕有雨各洗車水吉八日得滿斗主秋成

處暑日雨不通白露枉用功有雨主熟十六月上旱

熟月上遲秋雨至有雨主來歲荒是日名為洗

鉢雨僧家四月十五結夏上堂七月十五解夏散

堂十六洗鉢有雨便知下年必荒停堂甚驗

凡月內值日月蝕主人災水大日常無光主蟲

災有三卯主大熟雨小吉雨大傷穀

七月事宜

商風警葉滿林疑落木之聲大火西流四壁起

素娥之影巧遺仙縷慧乞蛛絲是月也寒蟬鳴

鷹祭鳥玉簪搔頭紫薇浸月木槿朝榮

梧桐葉墮蓼花紅菱乃實花之暮也

分栽 移植 扞插 壓條 培壅 俱不宜

接換

海棠 林檎 春桃 寒毬 棠梨



下種

蜀葵

望仙

苜蓿

臘梅子

水仙

猪糞和泥種

收種

蓮子

芡實

松子

柏子

黃葵

紫蘇子

龍眼

胡桃

楮實

茴香

棗子

澆灌

凡草類皆宜輕肥獨橘橙不可澆糞

木樨

陰處可澆猪糞和水三分之二陽處添水減糞

整頓

菊叢

剪菖蒲

宜十月

刈草

是月耨地最能殺草

伐竹木

宜辰日

八月占驗

九焦在午

天火在西

地火在卯

荒蕪在卯

白露日天晴多蝗蟲

雨損草木此日名天收日若

納音屬火主蟲多物損

朔日值白露主果穀不登值秋分主物貴晴主連

冬旱有雨宜種麥大風雨人不安南風禾

熟十一半晴吉是日看水淺深可卜來年水旱

中秋晴主來年多水無月蚌無胎蕎麥無實十月

有光主兔多魚少雨主來年低田熟上元無燈



秋分日天晴主有收。微雨或陰天最吉。來年大熟。

風從乾來主下年陰雨。坎來多寒。艮來風急。主十

二月陰寒。震來為逆氣。百花虛發。巽來主十月多

暴氣。離來歲惡。兌來大熟。酉時西方有白雲主

大稔。黑雲相雜宜麻豆赤雲主來年旱。秋分後

四十六日虹出西北貫乾位多水。主虎傷人。有

霜主人多病。十八為潮生日前後必有大雨。名橫

港水。凡月內日蝕人多瘡疥。月蝕主饑魚鹽

貴人災。有三卯三庚低處艸木盛。浮雲不歸二

月雷不行。是月不宜聞雷。有雹雪多病人。

十二至二十三日為詹家天。最忌栽種。

八月事宜

擊土鼓以迎寒。鈞天不耐。建慢亭而張曼。仙露

將傾。四時開朗。莫過於浮槎。問石一年快事。端

不許嫦娥笑。人是月也。鴻雁來。玄鳥逸。槐

黃榮。桂香飄。斷腸始嬌。金錢夜擲。丁

香紫。蘋沼白花盡實也。

分栽。俱宜秋分後。

慢當
作慢
作當
作宴



牡丹

宜秋分前

芍藥

山丹

佛龕

百合

南天竺

木瓜

石竹

木筆

玫瑰

蔓菁

貼梗海棠

水仙

石榴

櫻桃

紫荊

金燈

剪春蘿

移植

牡丹

分秋

木樨

宜雨

丁香

橘

枇杷

木香

枸杞

橙

木瓜

銀杏

桃

梧桐

李

梔子

杏

柑

梅

剪秋

打挿

木香

薔薇

雨中諸色藤本者皆可并活俱宜秋分前

接換

牡丹

玉蘭

梨

綠萼

桃

各種

西府海棠

壓條

玫瑰

木香

秋分前

下種

罌粟

洛陽

苜蓿

宜中秋夜

菱

茨

此二物取堅黑者撒池內來

歲自生

胡荽

晦日

長春

麗春

石竹

蒿苳

紅花

收種

梧桐

石榴

秋葵

椒核

藍種

剪春蘿

花鏡

卷一 八月

三六

夜落金錢 鳳仙

澆灌 草類宜肥木類忌肥即清水亦不可多如橙橘柑柚更不宜澆

牡丹 芍藥 瑞香 俱宜猪糞 剪春蘿 宜鷄屎

培壅

竹園 宜用大麥糠或稻稈添河泥壅

整頓

牡丹 每枝留一二 芍藥 去舊 蕺荷 月初踏其苗否則不濕茂

蘭 可以換盆 菊 宜加土 花竹科盆 白露後用簾遮

九月占驗 九焦在寅 天火在子 地火在巳

荒蕪在末

朔日值寒露主冬大冷值霜降多雨來歲稔晴明

萬物不成 風雨來年春旱夏多水 微雨吉大

雨傷禾 虹見主麻貴人災

重陽日晴則冬至元旦土元清明四日皆晴 東北

風發主來年豐西北風則來年歉 此日是雨歸

路有雨宜禾 又主來年熟 十三天晴主冬晴

月無光主蟲傷草木



朱當
作主

凡月內日蝕主饑疫 月蝕牛馬災 月常無光

主蟲災布帛貴 草木不凋主來年三月傷壞

虹出西方大小豆貴 有雹牛馬不利 無霜來

來年三月多陰寒草木皆傷 雷鳴主穀大貴

九月事宜

重陽變序節景窮秋霜抱樹而擁柯風拂林而

下葉金堤翠柳帶星米以均調紫塞蒼鴻追霞

光而結陣是月也豺祭獸 雀化蛤 菊始英

芙蓉冷 漢宮秋老 芰荷為衣 橙橘登

山藥乳諸實告成也

分栽

蠟梅 櫻桃 萱草 桃 楊梅 柳 俱宜霜降後

牡丹 芍藥 菊 八仙 玫瑰 貼梗海棠

水仙 宜朔日

移植 凡可分栽者皆可移

紫笑 枇杷 山茶 玫瑰 橙 橘 俱宜霜降後

竹 移諸果木 俱宜上旬 麗春

扦插 不宜



接換 壓條 俱不宜

下種

罌粟重陽 柿 水仙 紅花月終

收種

桐子 槐子 茶子 栗子 决明 老少年

金錢 草麻 雞冠 薔薇 紫萼 十樣錦

秋葵 木瓜 石榴 榧子 茱萸 秋海棠

梔子 枸杞 紫蘇 銀杏 梨 剪秋紗

澆灌

牡丹 芍藥 林檎 木樨 梅 杏 桃

李 堦前草

培壅 不宜

整頓

建蘭 茉莉俱宜霜降後移暖室 素馨 水仙俱宜遮蔽置簷下

石榴 芭蕉 蒲菊俱宜用草包 去荷花缸內水

採甘菊 耕肥地 修竇窖 諸果木轉塚者待

來春方可移栽



十月占驗 九焦在亥 天火在卯 地火在丑

荒蕪在寅

立冬天晴主冬暖魚多 風從乾來歲豐坎來多霜

震來深雪酷寒巽來冬溫來年夏旱離來次年五

月大疫坤來水泛溢 雷震萬物不成 立冬四

十日內虹出正北貫坎位冬少雨春多水災 冬

三月虹見西方有青雲覆之春雨調和白雲覆之

春多狂風黑雲覆之春多雨水 有霧名沫露主

來年水大 冬前霜早禾好冬後霜晚禾有收

花鏡

卷一 十月

二十九



霜當
作雷

朔日值立冬有災異值小雪東風米賤西風米貴

天晴主冬晴風雨來年夏多早霜鳴人災

二日雨芝麻不實十五月望為五風生日此日有風

主終年風雨如期謂之五風信天晴主暖月

蝕主魚貴十六天晴主冬暖南風三日主有雪

雨主寒

凡月內日蝕主冬旱月蝕秋穀魚鹽貴月無光

六畜貴有三卯米價平又一月無壬子留寒待

後春雷鳴人災閩俗立冬後十日為入液至

小雪為出液如液內雨百蟲飲此而蟄謂之定液

雨雷內有霧主來年五月有大水

十月事宜

節屆玄靈鐘應陰律寒雲拂岫帶落葉以飄空

朔氣浮川映岑樓而登迥簷前日暖暄可護花

嶺上梅先春堪贈友是月也雉入水為蜃芳

草化為薪木葉解苔蘚枯蘆飛雪朝

菌歇花復胎也

分栽俱宜月初

花鏡

卷一十月

三十一



長春 錦帶 牡丹 芍藥 笑靨 秋芍藥

櫻桃 木香 茶蘼 寶相 徘徊 棣棠花

海棠 薔薇 郁李 金萱 玫瑰 佛見笑

玉簪 天竺 水仙 木筆

移植 凡可分栽者皆可移

金橘 脆橙 望仙 蜀葵 香櫟 黃柑

梅 菊 蠟梅

扦插 不宜

接換 不宜

壓條

貼梗 西府 垂絲

下種

蔓菁 人參 五味子

收種

石榴 茶子 枸杞 栗子 皂角 薏苡仁

槐子 椒核 决明 梔子 山藥 金燈

澆灌

牡丹 芍藥 水仙 石榴 山茶 楊梅



枇杷 橘 橙 柑 柚 香櫞

栗 棗 梨 桃 杏 櫻桃 櫻桃

培壅 肥土 芍香 凡畏寒花木根竹 皆宜壅土

櫻桃 肥土 芍香 凡畏寒花木根竹 皆宜壅土

整頓 蘭花 菖蒲 俱入 夾竹桃 菊秧 虎刺 俱宜

水仙 筓泥 圍搭 棚蓋 南芙蓉 斫長尺餘段以稻草蓋向陽土坑內來春

取土 包裹 一槩畏寒樹木

十一月占驗 九焦在申 天火在午 地火在子

荒蕪在午

冬至日天晴主年內多雨萬物不成 風寒大吉

風從乾來明年夏旱艮來新正多陰雨震來大雷

雨不止翼來諸蟲害草木離來名賊風人宜避之

吉坤來多水兌來多雨 冬至後四十六日內虹

出東北方貫艮位主來春多旱夏有火災

青雲北起主歲熟人安赤雲主旱黑雲水白雲災

黃雲大熟無雲歲惡 有露主來年旱 有赤氣

十一月 三十三

花鏡 卷一 十一月 三十三



主旱黑氣水白氣人多疾 雪大來年熟少則來
年旱冬至前後有雪主來年水多

朔日值冬至主年荒 有風雨宜麥 大雪主來歲

凶二三日得壬主旱四日壬大熟五日壬至八日壬

主大水九日壬大熟十日壬少收

凡月內日蝕人畜俱災米魚鹽貴 月蝕米貴

有雷雨來春米貴雨多主年內必晴 冬至後三

辛為入臘

十一月事宜

日往月來灰移火變鴻入漢而藏形鶴臨橋而

送語彤雲垂四野之寒霽雪開六花之瑞是月

也鶡鴒不鳴麋角始解 蕉花紅 枇杷蔬

松柏秀 荔廷出 剪綵時行 花信風至花

之終也

分栽

臘梅 蜀葵 萵苣

移植

松 檜 柏 杉 桑 四時菊

花鏡

十一月

三十三



果木 凡轉塚過者冬至後春社前皆可移植

扦插 接換 壓條 下種 俱不宜

收種

橘子 橙子 柑子 香椽 梨子 埋菊秧

盦芙蓉條

澆灌

牡丹 冬至日澆糟水亦宜 海棠 亦宜 諸色花木皆宜澆肥 故不細載

培壅 先用肥灰麻餅壅起根高再以水澆之

牡丹 芍藥 石榴 柑 橘 櫻桃

橙 梨 柚 楊梅 瑞香 芙蓉

木香 栗 棗 柿 椒 諸種竹

桑 階前草

整頓

薔薇 芟 茶蘼 修 紫笑 避霜 木香 刪細嫩條 瑞香 避霜

伐竹木 醉溝泥 牧牛馬糞

十一月

三十五

多於木... 新... 於中... 其...
於木... 於木... 於木... 於木... 於木...
於木... 於木... 於木... 於木... 於木...
於木... 於木... 於木... 於木... 於木...
於木... 於木... 於木... 於木... 於木...

十二月占驗 九焦在巳 天火在酉 地火在亥

荒蕪在戌

小寒日有風雨主損六畜

朔日值小寒主白兔見祥值大寒虎傷人有風雨

來春主早 東風主六畜災

大寒日有風雨主損鳥獸除夜東北風主來年大熟

夜犬吠新年無疫 冷雨暴作主來年六七月有

橫水泛溢

凡月內有日月蝕主來年水災 月常無光主五



穀貴 有霧主來年旱 丙日起尤驗 虹見主黍
 穀貴 雷鳴主來年旱 澇不均 雪裏雷鳴主陰
 雨百日 雨主冬春連陰兩月 上酉日雪主來
 年荒 冰後水長主來年水 水後水退主來年旱
 月內葫類不見主來年五穀不實 柳眼青主來
 年大熟 花果有成 下霧主旱

十二月事宜

時值歲終嚴風遞冷苦霧添寒冰堅漢帝之池
 雪積袁安之宅爆竹烘天寒隨除夜去屠蘇答

地春逐百花來是月也雁北向 鵲始巢 臘

梅圻 茗花發 水仙負冰 梅蕊綻 寶珠

灼 水澤腹堅 歲之終花之始也

分栽

水仙 桑

移植 諸般花木俱可移

山茶 玉梅 海棠 楊柳

扦插

月季 薔薇 石榴 楊柳 姊妹 楊柳

宜廿五托 宜廿十 廿四托不



佛見笑

接換不宜

壓條凡果樹可壓

木香 薔薇

下種

松子 花紅 橘子 橙子 柑子 榮麻子

楮子

收種無

澆灌凡一切花木天氣時和皆可澆肥

牡丹狗糞亦妙芍藥俱宜櫻桃

培壅

桑添泥牡丹墩芍藥 橘 橙 楊梅灰糞連

整頓

嫁李是月晦日正月且日五更以代竹木不蛀

石榴除夜以石塊安榴榘枝間貯雪水 剝桑

刈棘 醉河溝泥來春用

狗糞 說為 最亦 審群 芳璿 為壯 丹最 忌犬 糞亦 此書 牡丹 之下 之




863
6
194

19540

秘傳花鏡卷之一終



秘傳花鏡
卷之一
終





国立国会図書館 タイトル『秘傳花鏡6巻』 請求記号 863-194

ガラス使用